

**Nappaatit tunillaassortut akiorniarlugit iliuutsit
pillugit Inatsisartut peqqussutaata
allanngortinneqarnera pillugu Inatsisartut
inatsisissaat**

**(KANUKOKA-p matuneqarnerata kingorna
tunillaassortunik nappaalanersuaqarneranut
ataatsimiititaliarsuarmut ilaasortanik
toqqaariaatsimik allanngortitsineq, kiisalu
inatsisitigut pisussaatitaasut
akiligassinneqartarsinnaanissaannut tunngavissamik
ilanngussineq)**

§ 1

Nappaatit tunillaassortut akiorniarlugit iliuutsit pillugit Inatsisartut peqqussutaat nr. 20, 12. november 2001-imeersumi makkuninnga allanngortitsisoqassaaq:

1. § 3, imm. 1, ima oqaasertalerneqassaaq:

” Tunillaassortunik nappaalanersuaqarneranut ataatsimiititaliarsuaq nunamut tamarmut atuuttoq pilersinneqassaaq, tassanilu ilaasortaassapput Politimesteri, Nunatta Nakorsaanera, Uumasut nakorsaasa pisortaat, Akileraartarnermi Pisortaqarfiput pisortaa kiisalu ilaasortat allat pingasut, taakkunangna marluk Naalakkersuisut toqqagaat ataaserlu kommunit peqatigiillutik toqqagaat.”

2. I § 3-mi imm. 1-ip kingorna immikkoortutut nutaatut ikkunneqassaaq:

” Imm. 2. Kommunit ilaasortassaq ataaseq isumaqatigiissutigisinnanngippassuk kommunit tamarmik immikkut annerpaaamik inuk ataaseq tunillaassortunik nappaalanersuaqarneranut ataatsimiititaliarsuarmut inassutigisinnavaat. Kommunit inassutigisaasa ilaat ataaseq ilaasortassatut Naalakkersuisut toqqassavaat.”

Tamatuma kingorna *imm. 2-4 allanngortinneqassapput imm. 3-5-nngorlugit.*

3. § 3, imm. 3, imm. 4-nngortoq, ima oqaasertalerneqassaaq:

”*Imm. 4.* Ilaasortaq, imm. 1 malillugu kommuninit, imaluunniit imm. 2 malillugu kommuninit inassuteqareernerannit toqqarneqartoq ilaasortatut toqqarneqartut allat assigalugit qinigaaffimmi atutissaaq, tak. imm. 3.”

4. Inatsisartut peqqussutaata qallunaatuuani tamarmi ”Landsstyre” aamma ”Landsstyret” ”Naalakkersuisut”-nut allanngortinnejassaaq. § 3, imm. 2-mi, imm. 3-nngortumi, ”Landstinget” ”Inatsisartut”-nngorlugu, aamma ”Landstingets” ”Inatsisartuts”-nngorlugu allanngortinnejassaaq.

5. Inatsisartut peqqussutaanni tamarmi ”Peqqinnissaqarfimmik Nakkutilliisoqarfip inassuteqarneratigut” ima allanngortinnejassaaq ”Nakorsaaneqarfip inassuteqarneratigut”.

§ 2-mi ”Peqqinnissaqarfimmik Nakkutilliisoqarfip tusarniaaffigereerneratigut” ima allanngortinnejassaaq ”Nakorsaaneqarfip tusarniaaffigereerneratigut”.

§§ 9 aamma 12, imm. 2 ”Peqqinnissaqarfimmik Nakkutilliisoqarfik isumaqtiginiareerlugu” ima allanngortinnejassaaq ”Nakorsaaneqarfik isumaqtiginiareerlugu”.

6. § 4, imm. 1-imi, qallunaatuuani ”af Grønlands hjemmestyre” ima allanngortinnejassaaq ”af Grønlands Selvstyre”.

7. § 28, imm. 2, ima oqaasertalerneqassaaq:”*Imm. 2.* Aningaasartuutit, pisortatut oqartussat imm. 1, nr. 1-5-imi taaneqartut pissutigalugit aningaasartuutigisariaqarsimasaat, pigisat nalillit qularnaveeqquisiullugit akiliisitsiniarneq pingtsaaliinikkut naammassisinniarneqarsinnaatitaavoq, tak. § 598, imm. 3, Kalaallit Nunaannut Eqqartuussisarnermi inatsit.”

8. § 29-mi imm. 3-tut nutaatut ilanngunnejassaaq:

”*Imm. 3.* Inatsisartut peqqussutaanni imaluunniit Inatsisartut peqqussutaat naapertorlugu maligassat saqqummiunnejartut naapertorlugin akiligassiisinnaanermik aalajangiisinnaanermik tunngaveqartumi, akiligassiissut Kalaallit Nunaanni Pinerluttulerisarnermi inatsimmi malittarisassat naapertorlugin inatsisitigut piginnaatitaasumut akiligasssiissutigineqarsinnaavoq.”

§ 2

Inatsisip saqqummiunnejareernerata aqaguani inatsisartut inatsisaat atuutilissaq.

Imm. 2. Nappaatit tunillaassortut akiorniarlugit iliuutsit pillugit Inatsisartut peqqussutaat nr. 20, 12. november 2001-imeersumi § 3 malillugu tunillaassortunik nappaalanersuaqarneranut ataatsimiititaliarsuaq pilersinnejartoq Inatsisartunik qinersisoqarnissaata tungaanut atuutissaaq. Tunillaassortunik nappaalanersuaqarneranut ataatsimiititaliarsuarmut ilaasortaq Inatsisartunut qinersisoqarnissa sioqqullugu tunuarpat Inatsisartut inatsisaanni matumani oqaasertalerneqartutut, Inatsisartut peqqussutaanni § 3, imm. 1-2-mi aalajangersakkat malillugit nutaamik ilaasortamik toqqaasoqassaaq.

Namminersorlutik Oqartussat, ulloq 27. november 2018

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut